



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0847
Data e Vendimit: 03.11.2023

Në bazë të nenit 105 pika 1 dhe 2, neni 108/A paragrafi 7 dhe neni 109 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të kërkesës së datës 03.11.2023 për tërheqje nga ankesa e parashtruar nga OE "INTRAST" SH.P.K., me datë 29.10.2023, lidhur me aktivitetin e prokurimit “Mirëmbajtja e ndriçimit publik në rrugët nacionale dhe rajonale te Kosovës për vitet 2023 2024-2024 2025-2025 2026” me numër të prokurimit 205-23-7625-2-1-1, inicuar nga Autoriteti kontraktues (AK) – “Ministria e Infrastrukturës”, Paneli Shqyrtues në përbërje nga Vjosa Gradinaj Mexhuani, Vedat Poterqoi dhe Agon Ramadani, me 03/11/2023, morën këtë:

Vendim

1. Aprovohet kërkesa e datës 03/11/2023, e parashtruar nga "INTRAST" SH.P.K., për tërheqjen e ankesës me nr. 2023/0847 , e datës 29/10/2023, ankesë kjo e parashtruar për aktivitetin e prokurimit “Mirëmbajtja e ndriçimit publik në rrugët nacionale dhe rajonale te Kosovës për vitet 2023 2024-2024 2025-2025 2026” me numër të prokurimit 205-23-7625-2-1-1, inicuar nga autoriteti kontraktues (AK) – “Ministria e Infrastrukturës”.
2. I lejohet, autoritetit kontraktues – “Ministria e Infrastrukturës” që të vazhdojë më tutje me aktivitetin e prokurimit “Mirëmbajtja e ndriçimit publik në rrugët nacionale dhe rajonale te Kosovës për vitet 2023 2024-2024 2025-2025 2026” me numër të prokurimit 205-23-7625-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.
3. Meqenëse parashtruesi i ankesës është tërhequr nga ankesa dhe pretendimet ankimore, duke u bazuar në nenin 31 pika 4 dhe 6 të Rregullores së Punës së OSHP-së, këtij OE i kthehet sigurimi i ankesës në vlerën e deponuar me rastin e parashtrimit të ankesës.

Arsyetim

Operatori ekonomik OE "INTRAST" SH.P.K. me datën 29.10.2023, ka paraqitur ankesë në OSHP, lidhur me aktivitetin e prokurimit “Mirëmbajtja e ndriçimit publik në rrugët nacionale dhe rajonale të Kosovës për vitet 2023 2024-2024 2025-2025 2026” me numër të prokurimit 205-23-7625-2-1-1, inicuar nga Autoriteti kontraktues (AK) – “Ministria e Infrastrukturës”.

Operatori ekonomik "INTRAST" SH.P.K. me datën 03.11.2023 përmes sistemit ka njoftuar se tërhiqet nga ankesa lidhur me aktivitetin e prokurimit “Mirëmbajtja e ndriçimit publik në rrugët nacionale dhe rajonale të Kosovës për vitet 2023 2024-2024 2025-2025 2026” me numër të prokurimit 205-23-7625-2-1-1.

Me rastin e informimit lidhur me veprimet e përshkruara si më sipër, Paneli Shqyrtues mori vendim për aprovimin e kërkesës për tërheqje nga ankesa duke i lejuar AK që ta vazhdojë aktivitetin e prokurimit (i përshkruar si më sipër) nëse AK nuk ka ndonjë ankesë tjetër për këtë aktivitet. Krahas kësaj po ashtu duhet theksuar se në të tilla raste mungon efekti pezullues i ankesës në kuptim të nenit 112, paragrafi 1, të LPP sipas të cilit dorëzimi i një anese e obligon AK që automatikisht ta pezullojë zbatimin e aktivitetit të prokurimit në rastin konkret. Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore në këtë fazë, pa nevojë që të hapet faza e vlerësimit meritior lidhur me këtë aktivitet të prokurimit, sepse mungon objekti ankimor dhe elementet qenësore të ankesës sipas nenit 111 të LPP;

Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore para OSHP në këtë fazë dhe lidhur me këtë aktivitet të prokurimit, për faktin se

- mungon objekti ankimor dhe elementet qenësore të ankesës sipas nenit 111 të LPP;
- ankuesit, i mungon statusi i palës së interesuar, sipas nenin 4, paragrafi 1.26 të LPP.

Në këtë rast duhet theksuar se në kuptim të nenit 13, të Ligjit për procedurën e përgjithshme administrative (LPPA), secili person ka të drejtë të ushtrojë mjetet juridike kundër një veprimi apo mosveprimi administrativ të organit publik që i cenon një të drejtë apo një interes juridik. Kurse në kuptim të nenit 109, paragrafi 1, të LPP, po ashtu parashihet se çdo palë e interesuar ka të drejtë të parashtojë ankesë pranë OSHP. Mirëpo, në kuptim të parimeve bazë të legjislacionit, posaçërisht parashikuar me dispozitën e nenit 93 të Ligjit për Procedurën e përgjithshme administrative, kjo njëherësh kjo nënkupton faktin se çdo palë e interesuar ka të drejtë po ashtu ta ndryshoj (plotësoj, përmirësoj, precizoj) ankesën dhe po ashtu ta tërheq atë. Në fakt, Paneli Shqyrtues ka konfirmuar faktin e tërheqjes së ankesës, bazuar në veprimet e palës përmes publikimit të tyre në platformë përkatësisht faqen zyrtare të sistemit të prokurimit publik, prandaj nuk gjeti arsye për të vepruar në kuptim të nenit 110 të LPP andaj janë krijuar kushtet që

procedura në këtë çështje juridiko administrative të përfundoj në kuptim të nenit 97 të LPPA.

Megjithatë Paneli Shqyrtues i vë në dijeni AK, në çdo aktivitet duhet të veproj konform dispozitave dhe autorizimeve ligjore në përputhje me të gjithë legjislacionin në fuqi përfshirë edhe ato me nenin 1, 6, 7, 24.6, 27, 28, 59, 60, 65 të LPP-së.

Meqenëse parashtruesi i ankesës është tërhequr nga ankesa dhe pretendimet ankimore, duke u bazuar në nenin 31 pika 4 dhe 6 të Rregullores së Punës së OSHP-së, këtij OE i kthehet sigurimi i ankesës në vlerën e deponuar me rastin e parashtrimit të ankesës

Prandaj bazuar shkurtimisht në të lartcekurat, Paneli Shqyrtues vendosi së në dispozitiv të këtij vendimi.



Vjosa Gradinaj
Kryetare e OSHP-së

Këshillë juridike:

Kundër këtij vendimi nuk është e lejuar ankesa, por pala e pakënaqur me padi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - MINISTRIA E INFRASTRUKTURES**
- **OE - " INTRAST " SH.P.K.**
- Arkivës së OSHP-së: